

10 IANUARIE
RUGACIUNEA
SF. IERARH-MUCENIC
ANATOLIE GRISIUK AL ODESSEI

Молитва

О священномучениче святителю отче Анатолие!
К тебе, молитвеннику теплому и пред Богом
предстателю усердно притекаем. В лютую
годину гонений и испытаний земли нашея,
внегда безбожныя врази предаша смерти
верныя рабы Божия и храмы святыя
сокрушиша, яви тя Господь Церкви Своея аки
столп непоколебим и людем Божиим пастыря
добра, душу свою за овцы полагающа и волки
душепагубныя далече отгоняюща. Ныне убо
призри на нас, со умилением душею и
сокрушенным сердцем тебе призывающих,
крепость бо наша в нас оскуде и вражия
ловления и сети окружиша нас. Молися за нас,
да не погибнем до конца со беззаконьми
нашими, но да обратит нас Господь на стезю
покаяния и спасения, да простит нам вся
согрешения наша и ниспошлет мир на грады и
веси наша, избавит нас от нашествия

иноплеменников, междоусобныя брани и всяких раздоров и нестроений. Утверди, священномучениче, веру и благочестие во всех чадах Православныя Церкви, испроси нам от Господа мужества дар, да явимся наследницы Царствия Небеснаго, сохраняя верность до конца жизни нашея Господу Богу и Спасу нашему Иисусу Христу, Ему же подобает всякая слава, честь и поклонение, со Отцем и Святым Духом, ныне и присно и во веки веков. Аминь.